

Յ Ի Շ Ա Տ Ա Կ Ա Ր Ա Ն

Ս Կ Ո Թ Ո Ս Ի Ա Ս Տ Ո Ի Ա Թ Ա Ր Ա Ն Ո Ի Թ Ե Ա Ն

(1729):

Զե--գիր Աղգ. Մ-դէն-դ-ր-նի Թի- 3:

“Յիշատակարան թարգմանել տուողի
 զրգոյս”

“Երեքերանեան աստուածաբանապետն Եկեղեցւոյն Քրիստոսի, աստուածայինն Ղիոնէսիոս, ի գիրս Աստուածային Անուանց Եօթներորդ գլխոջն ասէ թէ, Պիտոյ է մեզ աղօթիւք նախ համբառնալ առ սուրբ Երրորդութիւնն, որպէս յսկիզբն բարւոյ եւ հպելով ի նա՝ աղօթիւք ուսանել զամենայն բարի պարգեւսն, որ շուրջ զնովաւ են սերտեալ. զի ինքն յամենեսին մերձ է, այլ ոչ ամենայն մերձ ի նա: Քանզի բանական բաղձանք իմանալեացն էութեանց եւ որք ներ եթերականին եւ ծօղիակուսին ստորեւ կանն պարագրեալք՝ հանգոյն վերնաւաց տարերն հրեղինի ձկտին որքան կարեն հասանիլ, առ ծայրն բարութեամբ անեզրականի ի վայելումն անչափելոյ բարութեան իւրեանց արարչի. բայց զի ոմանք զընդիմատիպն բարւոյն կամաց ի տեղի նիւթոյ ողջունեալք անգր քան զհողեղէնս տարր ստորասուզեալք յանկարելոջ տեղի տաղտապին, եւ ոմանք մարմին ունելով եղծանելի՛ հոգւով ծանրացեալք զօրէն կապարի սուզին ի ջուրս սաստիկս: Վասնորոյ փոխանակ անյեղի բարւոյն անփոփոխ չարին հանգիպին: Եւ այս վասն այսորիկ զի ոչ ընտրեն զԱստուած ունել առաջնորդ գիտութեան եւ